



SLUŽBENI GLASNIK OPĆINE VISOKO

GODINA XLVII | **Visoko, UTORAK , 2. april 2013. godine**

Broj 3

26.

Na osnovu članova 22. i 59. Statuta općine Visoko – Prečišćeni tekst („Službeni glasnik općine Visoko“, broj: 1/11) i člana 4. Odluke o raspisivanju izbora za članove savjeta u mjesnim zajednicama općine Visoko („Službeni glasnik općine Visoko“, broj: 2/13), Općinsko vijeće Visoko, na 5. sjednici održanoj 27.3. 2013. godine, donijelo je

- brine o sigurnosti i dostavi biračkim odborima izbornog materijala,
- obavještava birače o svim informacijama neophodnim za provedbu izbora,
- utvrdi rezultate izbora,
- podnese Općinskom vijeću Visoko izvještaj o provedenim izborima.

ODLUKU

o imenovanju Komisije za sprovođenje izbora u mjesnim zajednicama općine Visoko

Član 1.

U Komisiju za sprovođenje izbora u mjesnim zajednicama općine Visoko koji će se održati u nedjelju, 21. aprila 2013. godine, imenuju se:

1. Edina Ahmetović, predsjednik
2. Jasna Zubić, član
3. Dinka Omanović, član
4. Almin Halilović, član
5. Muvedeta Drugović, član
6. Zulejha Bajramović, administrativno-tehnički sekretar

Član 2.

Zadatak Komisije za sprovođenje izbora u mjesnim zajednicama je da:

- provodi kandidacioni postupak za članove savjeta, uz saradnju sa savjetima mjesnih zajednica,
- pripremi i organizuje provedbu izbora,
- odredi biračka mjesta na području mjesne zajednice,
- imenuje članove biračkih odbora,

Član 3.

Za provođenje navedenih aktivnosti Komisija će donijeti provedbene akte u skladu sa Statutom općine Visoko, statutima mjesnih zajednica i Odlukom o raspisivanju izbora za članove savjeta u mjesnim zajednicama općine Visoko.

Član 4.

Ova odluka stupa na snagu danom objave u „Službenom glasniku općine Visoko“.

Broj: 01/1-02-66/13
27.3. 2013. godine
V i s o k o

PREDSJEDAVAJUĆA
OPĆINSKOG VIJEĆA VISOKO
Mirela Mateša Bukva

27.

Na osnovu člana 49. Zakona o komunalnim djelatnostima Zeničko-dobojskog kantona („Službene novine Zeničko-dobojskog kantona“, broj: 17/08) i člana 22. Statuta općine Visoko – Prečišćeni tekst („Službeni glasnik općine Visoko“, broj: 1/11), Općinsko vijeće Visoko, na 5. sjednici održanoj dana 27.3.2013. godine, donijelo je:

ODLUKU
o izmjenama i dopunama Odluke
o komunalnom redu

Član 1.

U Odluci o komunalnom redu («Službeni glasnik općine Visoko», broj 3/12), u članu 111. stav 1. mijenja se i glasi:

«Na području općine Visoko vrši se organizovano prikupljanje i odvoz komunalnog otpada i to: Gradsko područje i područja: Gornje Topuzovo Polje, dio Srhinja, Dubrave, Gračanica, Mulići, Donje Topuzovo Polje, Gornje Moštre, Donje Moštre, Radinovići, Okolišće, raskrsnica «stara ciglana», Benzinska pumpa Dokso, Dobrinje (do farme), Šareni Hanovi, Buzić Mahala, Hlapčevići, dio Poriječana (do željezničke stanice), Arnautovići, Zbilje, Plješevica i Buci i u ostalim naseljenim mjestima prema Planu upravljanja otpadom općine Visoko za period 2011-2016. godine».

U članu 111. stav 3. mijenja se i glasi:
„Na području općine Visoko prikupljanje komunalnog otpada vrši se putem adekvatnih posuda i PVC kesa.

Član 2.

Član 113. stav 1. dopunjuje se i glasi:
„Izuzetno, posude za smeće za korisnike usluga može obezbijediti općina Visoko iz donatorskih ili drugih sredstava u skladu sa kriterijima koje odredi općina Visoko».

Član 3.

Ova odluka stupa na snagu osmog dana od dana objavljivanja u «Službenom glasniku općine Visoko».

Broj: 01/1-02-67/13 PREDSJEDAVAJUĆA
27.3.2013.godine OPĆINSKOG VIJEĆA VISOKO
V i s o k o Mirela Mateša Bukva

28.

Na osnovu člana 3. Zakona o komunalnim djelatnostima Zeničko-dobojskog kantona („Službene novine Zeničko-dobojskog kantona“, broj: 17/08) i člana 22. Statuta općine Visoko – Prečišćeni tekst („Službeni glasnik općine Visoko“, broj: 1/11) Općinsko vijeće Visoko, na 5. sjednici održanoj dana 27.3.2013. godine, donijelo je:

ODLUKU

o jedinstvenom načinu prikupljanja i odvoza
komunalnog otpada za korisnike gradske
vodovodne mreže izvan gradskog područja

Član 1.

U naseljima izvan gradskog područja koja su u sistemu gradske vodovodne mreže: Zbilje, Plješevica, Buci, Donje Topuzovo Polje, Gornje Topuzovo Polje, Arnautovići i Mulići, prikupljanje komunalnog otpada vrši se putem adekvatnih posuda za smeće.
Odvoz komunalnog otpada vrši JKP.

Član 2.

Posude za smeće za korisnike usluga navedenih naselja, u članu 1. ove odluke obezbijediće općina Visoko iz donatorskih sredstava koje je obezbijedila Švedska organizacija SIDA, u skladu sa kriterijima koje odredi općina Visoko.

Član 3.

Naknada za odvoz komunalnog otpada za korisnike gradske vodovodne mreže izvan gradskog područja iz člana 1. ove odluke određena je važećom odlukom o davanju saglasnosti na izmjene dijela cjenovnika komunalnih usluga JKP «Visočica» Visoko, broj: 01/1-02-255/08 od 31.07.2008.godine.

Član 4. PREDSJEDAVAJUĆA

Ova odluka stupa na snagu osmog dana od dana objavljivanja u «Službenom glasniku općine Visoko».

Broj: /1-02-68/13 PREDSJEDAVAJUĆA
27.3.2013.godine OPĆINSKOG VIJEĆA VISOKO
V i s o k o Mirela Mateša Bukva

OPĆINSK

29.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06) i člana 22. tačka 7. Statuta općine Visoko – Prečišćeni tekst („Službeni glasnik općine Visoko“, broj 1/11) Općinsko vijeće Visoko, na 5. sjednici održanoj dana 27.3.2013. godine, donijelo je:

O D L U K U

Član 1.

Općinsko vijeće Visoko daje saglasnost investitoru Medžlisu Islamske zajednice Visoko za rekonstrukciju poslovne zgrade izgrađene na k.č. 1032 KO Visoko u ulici Kralja Tvrtka bb na kojoj je upisano pravo raspolaganja i trajno pravo korištenja udio 1/1 u korist općine Visoko, a prema urbanističko-tehničkim uslovima utvrđenim Rješenjem o urbanističkoj saglasnosti općine Visoko, broj 03/1-23-2-157/12 od 20.12.2012. godine.

Član 2.

Ova odluka prestaje da važi ako investitor ne zatraži odobrenje za građenje u zakonom propisanom roku.

Član 3.

Odluka stupa na snagu danom objavljivanja u „Službenom glasniku općine Visoko“.

Broj: 01/1-02-69/13 PREDSEDAVAJUĆA
27.3.2013. godina OPĆINSKOG VIJEĆA VISOKO
V i s o k o Mirela Mateša Bukva

30.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06) i člana 22. tačka 7. i člana 33. Statuta općine Visoko – Prečišćeni tekst („Službeni glasnik općine Visoko“, br. 1/11), Općinsko vijeće

Visoko, na 5. sjednici održanoj 27.3.2013. godine donijelo je

O D L U K U

Član 1.

Ovlašćuje se Općinska načelnica Visoko Amra Babić da može zaključiti ugovore o kupovini nekretnina označenih kao:

- k.č. 482/7 zv. „Luka“ njiva četvrte klase površine 276 m² KO Kondžilo vlasništvo Fejzagić (Saliha) Sevad po cijeni od 12,00 KM po m²,

- k.č. 482/8 zv. „Luka“ njiva četvrte klase površine 66 m² KO Kondžilo vlasništvo Džerzović (Hazima) Sabit po cijeni od 12,00 KM po m²,

- k.č. 483/2 zv. „Luka“ njiva četvrte klase površine 963 m² KO Kondžil vlasništvo Hašimović(Muje) Maida i Ahmedspahić(Muniba) Mustafe sa dijelom 1/2, po cijeni od 12,00 KM po m²

- k.č. 484/5 zv. „Luka“ njiva četvrte klase površine 226 m² KO Kondžilo i

k.č.484/4 zv „Luka“ nekategorisani put površine 21 m² KO Kondžilo vlasništvo Kaldžija (Asifa) Eniz sa dijelom 1/1, po cijeni od 8,00 KM po m²

- k.č. 482/6 zv. „Luka“ njiva četvrte klase površine 24 m² KO Kondžilo

vlasništvo Kaldžija (Asifa) Adema sa dijelom 1/1 po cijeni od 8,00 KM po m²

- k.č 481/2 zv „Bašta“ njiva četvrte klase površine 1197 m² KO Kondžilo vlasništvo Selimović/(Mustafe) Sabahudin sa dijelom 1/1 po cijeni 8,00 KM po m²,

u svrhu rekonstrukcije lokalne ceste Kondžilo-Brezovik.

Član 2.

Ova odluka stupa na snagu danom objave u „Službenom glasniku općine Visoko“

Broj:01/1-02-70/13 PREDSEDAVAJUĆA
27.3.2013. godine OPĆINSKOG VIJEĆA VISOKO
Visoko Mirela Mateša Bukva

31.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06) i

člana 22. stav 7. i člana 33. Statuta općine Visoko - Prečišćeni tekst („Službeni glasnik općine Visoko“, br. 1/11), Općinsko vijeće Visoko na 5. sjednici održanoj dana, 27.3.2013. godine donijelo je:

O D L U K U

Član 1.

Ovlašćuje se Općinska načelnica Visoko Amra Babić da može zaključiti Ugovor o ustanovljavanju prava služnosti kolskog puta preko parcele k.č. 152/1 KO Ozrakovići, kao poslužnog dobra, na kojoj je upisano pravo raspolaganja i privremeno pravo korištenja zemljišta u korist općine Visoko udio 1/1 u korist parcela k.č. 153/1 i k.č. 152/2 KO Ozrakovići, kao povlasnog dobra, na kojima je upisano pravo vlasništva u korist privrednog subjekta Interact d.o.o. Visoko udio 1/1.

Član 2.

Pravo služnosti iz člana 1. ove Odluke ima se uspostaviti u obliku i dimenzijama prilaza: širina od 5,0m od spoja sa parcelom na k.č. 153/1 pa preko parcele na k.č. 152/1 dužine d=42,0 m pa sve do spoja sa parcelom k.č. 607/3, odnosno putni pojas lokalnog puta Visoko-Gračanica, preko kojeg u istoj širini dužine d=6,0 m izlazi na lokalni put. Skica lokacije na kojoj je ucrtan kolski put je sastavni dio Odluke.

Član 3.

Naknada za uspostavljeno pravo služnosti iz člana 1. ove Odluke, određena po odredbama Zakona o eksproprijaciji, iznosi 8.820,00 KM. Vlasnik povlasnog dobra ima obavezu isplatiti naknadu za uspostavljeno pravo služnosti na dan potpisivanja ugovora.

Član 4.

Odluka stupa na snagu danom objavljivanja u „Službenom glasniku općine Visoko“.

Broj:01/1-02-71/13 PREDSJEDAVAJUĆA
27.3.2013. godine OPĆINSKOG VIJEĆA VISOKO
Visoko Mirela Mateša Bukva

32.

Ustavni sud Federacije Bosne i Hercegovine odlučujući o ustavnom pitanju koje je predočio Kantonalni sud u Zenici za utvrđivanje ustavnosti Odluke o komunalnim taksama Općinskog vijeća Visoko, na osnovu člana IV.C.10 (4) Ustava Federacije Bosne i Hercegovine u vezi sa Amandmanima LII i XCVI na Ustav Federacije Bosne i Hercegovine, na sjednici bez javne rasprave održane dana 26. februara 2013. godine, donio je

P R E S U D U

1. Utvrđuje se da Odluka o komunalnim taksama („Službeni glasnik Općine Visoko“, broj: 1/09), u dijelu koji se odnosi na Tarifu komunalnih taksi - Tarifni broj 3. u vrijeme važenja nije bila u skladu sa Ustavom Federacije Bosne i Hercegovine.

2. Presudu objaviti u „Službenim novinama Federacije BiH“ i „Službenom glasniku Općine Visoko“.

O b r a z l o ž e n j e

1. Podnosilac zahtjeva i predmet zahtjeva

Kantonalni sud u Zenici (u daljem tekstu: podnosilac zahtjeva) u postupku rješavanja upravnog spora broj 04 0 U 004496 12 U po tužbi tužioca „Derby Bet Shop“ d.o.o. Mostar protiv rješenja tuženog Federalnog ministarstva finansija / Federalnog ministarstva financija Sarajevo, broj 03-15-203/11 od 19.03.2012. godine u upravnoj stvari razreza komunalne takse za istaknutu firmu predočio je dana 30.10.2012. godine Ustavnom sudu Federacije Bosne i Hercegovine (u daljem tekstu: Ustavni sud Federacije) ustavno pitanje (u daljem tekstu: zahtjev) za utvrđivanje ustavnosti Odluke o komunalnim taksama broj 01/1-02-23/09

koju je donijelo Općinsko vijeće Visoko na sjednici održanoj dana 31.01.2009. godine (u daljem tekstu: osporena Odluka).

2. Dopustivost zahtjeva

U skladu sa članom IV.C.10 (4) Ustava Federacije Bosne i Hercegovine, podnosilac zahtjeva je ovlašten za pokretanje postupka pred ovim Sudom.

3. Bitni navodi podnosioca zahtjeva

U zahtjevu se navodi da osporena Odluka u dijelu koji se odnosi na Tarifu komunalnih taksi nije u skladu sa članom II.2.(1) c) Ustava Federacije Bosne i Hercegovine, kojim je propisano da sva lica na teritoriji Federacije Bosne i Hercegovine uživaju pravo na jednakost pred zakonom, a osporenom Odlukom se utvrđuje visina godišnje takse u bitno različitim iznosima, zavisno od djelatnosti koju pravno odnosno fizičko lice obavlja. Podnosilac zahtjeva smatra da odredbe Tarife komunalnih taksi kao sastavnog dijela osporene Odluke, posebno Tarifni broj 3. (komunalna taksa za istaknutu firmu) nisu u skladu sa Ustavom Federacije Bosne i Hercegovine iz razloga koji su dati u brojnim presudama Ustavnog suda Federacije kao npr. u Presudi broj U-35/11 od 13.03.2012. godine. Zbog toga, podnosilac zahtjeva predlaže Ustavnom sudu Federacije da nakon održane sjednice, donese presudu kojom će utvrditi da li je osporena Odluka u saglasnosti sa odredbama Ustava Federacije Bosne i Hercegovine.

4. Bitni navodi odgovora na zahtjev

Ustavni sud Federacije je u skladu sa čl. 16. i 39. stav 2. Zakona o postupku pred Ustavnim sudom Federacije Bosne i Hercegovine („Službene novine Federacije BiH“, br. 6/95 i 37/03) dana 10.11.2012. godine zatražio od Općinskog vijeća Visoko kao donosioca osporene Odluke, te od „Derby Bet Shop“ d.o.o. Mostar i

Federalnog ministarstva finansija/ Federalnog ministarstva financija Sarajevo da kao stranke u postupku dostave odgovor na navode iz zahtjeva.

U odgovoru na zahtjev Općinsko vijeće Visoko podneskom broj 01/3-02-107/12 od 05.12.2012. godine navodi hronologiju dešavanja vezano za osporenu Odluku. Općinsko vijeće Visoko je dana 31.01.2009. godine donijelo Odluku o komunalnim taksama („Službeni glasnik Općine Visoko“, broj: 1/09), kojom su stavljene van snage dosadašnje odluke o komunalnim taksama objavljene u „Službenom glasniku Općine Visoko“, br. 1/01 i 9/08, ali je naknadno utvrđeno da ni u ovoj odluci nisu detaljno razrađeni kriteriji za određivanje visine komunalne takse, pa je donijeta ponovno Odluka o komunalnim taksama, koja je objavljena u „Službenom glasniku Općine Visoko“, broj 9/11, kojom se stavlja van snage Odluka o komunalnim taksama („Službeni glasnik Općine Visoko“, broj: 1/09), tj. osporena Odluka (član 20). Na zahtjev Ustavnog suda Federacije Općinsko vijeće Visoko podneskom broj 01/3-02-15/12 od 18.12.2012. godine navodi da je dana 14.07.2012. godine Općinsko vijeće Visoko donijelo novu Odluku o komunalnim taksama („Službeni glasnik Općine Visoko“, broj: 5/12), koja se do današnjeg dana primjenjuje, a njenim donošenjem prestala je da važi Odluka o komunalnim taksama („Službeni glasnik Općine Visoko“, broj: 9/11).

U svom odgovoru na zahtjev od 13.12.2012. godine „Derby Bet Shop“ d.o.o. Mostar ne osporava zahtjev podnosioca. Ističe da je u osporenoj Odluci vidljivo da je kriterij za različito utvrđene takse „kriterij djelatnosti“ tako što su za različite djelatnosti određene različite visine komunalnih taksi na istaknutu firmu, koje se kreću u iznosu od 100,00 do 10.000,00 konvertibilnih maraka. Dalje navode, da je Općina Visoko 14.07.2012. godine donijela novu Odluku o

komunalnim taksama u kojoj se i dalje krše ustavne odredbe po istom osnovu, te da su i ovom odlukom za različite djelatnosti u istoj poslovnoj zoni određene različite visine komunalnih taksi, pa su u I poslovnoj zoni komunalne takse na istaknutu firmu određene u iznosu od 100,00 KM do 10.000,00 KM, u II poslovnoj zoni od 100,00 KM do 9.000,00 KM i u III poslovnoj zoni od 100,00 KM do 8.000,00 KM. Na osnovu navedenog predlaže da Ustavni sud Federacije odluči i o ustavnosti Odluke o komunalnim taksama Općinskog vijeća Visoko broj 01/1-02-173/12 od 14.07. 2012. godine.

Federalno ministarstvo finansija/Federalno ministarstvo financija, nije dostavilo odgovor na navode podnosioca zahtjeva.

5. Relevantno pravo

Ustav Federacije Bosne i Hercegovine

Član II.A.2.(1)c)

Federacija će osigurati primjenu najvišeg nivoa međunarodno priznatih prava i sloboda utvrđenih u dokumentima navedenim u Aneksu ovog Ustava posebno:

(1) Sva lica na teritoriji Federacije uživaju prava na:

c) jednakost pred zakonom.

Član VI.4.c)

Općinsko vijeće:

c) donosi druge propise o izvršavanju općinskih nadležnosti.

AMANDMAN VIII

tačka d) na Ustav Federacije Bosne i Hercegovine

Član III.1. Ustava Federacije Bosne i Hercegovine mijenja se i glasi:

„U isključivoj su nadležnosti Federacije:

d) donošenje propisa o finansijama i finansijskim institucijama Federacije i fiskalna politika Federacije.

Zakon o pripadnosti javnih prihoda u Federaciji Bosne i Hercegovine

(„Službene novine Federacije BiH“, br. 22/06, 43/08 i 22/09)

Član 13. stav 1. tačka c)

Pored udjela u raspodjeli prihoda iz člana 6. ovog zakona, jedinicama lokalne samouprave pripadaju i drugi javni prihodi kako slijedi:

c) naknade i takse u skladu sa propisima jedinica lokalne samouprave.

Zakon o principima lokalne samouprave u Federaciji Bosne i Hercegovine

(„Službene novine Federacije BiH“, broj: 49/06)

Član 13. stav 2. alineja 4.

Organ odlučivanja jedinice lokalne samouprave je općinsko vijeće u općini, a gradsko vijeće u gradu (u daljem tekstu: vijeće)

Vijeće u okviru svojih nadležnosti:

- donosi propise o porezima, taksama, naknadama i doprinosima jedinice lokalne

samouprave u skladu sa zakonom.

6. Osporene odredbe i stav Ustavnog suda Federacije

Ustavni sud Federacije je utvrdio da nema činjeničnih pitanja koja bi bilo potrebno neposredno razjasniti na javnoj raspravi, pa je u skladu sa članom 13. stav 1. i članom 25. Poslovnika Ustavnog suda Federacije Bosne i Hercegovine („Službene novine Federacije BiH“, broj: 40/10) održao sjednicu bez rasprave, na kojoj je razmotrio osporenu Odluku, zahtjev, odgovor na zahtjev, relevantne

odredbe Ustava i zakona Federacije Bosne i Hercegovine i ustavnosudsku praksu Ustavnog suda Federacije. Ustavni sud Federacije je odlučio kao u izreci ove presude iz sljedećih razloga:

1. Tarifnim brojem 3. Tarife komunalnih taksa koja je sastavni dio osporene Odluke, koja je prestala važiti stupanjem na snagu Odluke o komunalnim taksama („Službeni glasnik Općine Visoko“, broj: 9/11), bila je propisana godišnja taksa za istaknutu firmu u različitim proizvoljno određenim iznosima zavisno od djelatnosti koju pravno odnosno fizičko lice obavlja.

Polazeći od navedenih ustavnih i zakonskih odredbi Ustavni sud Federacije je ocijenio da je Općinsko vijeće Visoko bilo ovlašteno da donese propise o uvođenju taksi na svom području, pa, između ostalog, i taksa za istaknutu firmu. Međutim, po ocjeni Ustavnog suda Federacije određivanje visine godišnje takse za istaknutu firmu zavisno od djelatnosti koju pravno odnosno fizičko lice obavlja u nesaglasnosti je sa ustavnom odredbom o jednakosti pred zakonom (član II.A.2.(1) c) Ustava Federacije Bosne i Hercegovine). To znači da po ocjeni Ustavnog suda Federacije kriterij za utvrđivanje visine takse za istaknutu firmu ne može biti djelatnost koju pravno odnosno fizičko lice obavlja, već je potrebno utvrditi druge relevantne kriterije kao što su područje općine na kojoj je firma istaknuta, veličina istaknute firme i sl. (npr. svjetleća reklama) ili obavljanje niskoakumulativne djelatnosti.

2. Ustavni sud Federacije napominje da je „Derby Bet Shop“ d.o.o. Mostar u odgovoru na zahtjev zatražio ocjenjivanje ustavnosti i Odluke o komunalnim taksama koju je donijelo Općinsko vijeće Visoko na sjednici održanoj 14.07.2012. godine. Pošto, saglasno članu IV.C.10.(2) Ustava Federacije Bosne i Hercegovine pravna lica nisu ovlaštena za podnošenje zahtjeva

za ocjenu ustavnosti Ustava, zakona i drugih propisa, Ustavni sud Federacije odlučio je da je zahtjev podnesen od neovlaštenog lica, pa ga nije ni razmatrao.

Iz navedenih razloga Ustavni sud Federacije je odlučio kao u ovoj presudi.

Ovu presudu Ustavni sud Federacije donio je jednoglasno u sastavu: dr. Kata Senjak, predsjednica Suda i sudije Suda, Sead Bahtijarević, mr. Ranka Cvijić, Domin Malbašić i Aleksandra Martinović.

Broj: U-36/12
26. februar 2013. godine
S a r a j e v o

Predsjednica
Ustavnog suda Federacije
Bosne i Hercegovine
dr. Kata Senjak

S a d r Ź a j

Redni
broj

Strana

I – OPĆINSKO VIJEĆE

- 26. Odluka o imenovanju Komisije za sprovođenje izbora u mjesnim zajednicama općine Visoko
- 27. Odluka o izmjenama i dopunama Odluke o komunalnom redu
- 28. Odluka o jedinstvenom načinu prikupljanja i odvoza komunalnog otpada za korisnike gradske vodovodne mreže izvan gradskog područja
- 29. Odluka o davanju saglasnosti Medžlisu Islamske zajednice Visoko za rekonstrukciju poslovne zgrade
- 30. Odluka o davanju ovlašćenja Općinskoj načelnici za zaključenje ugovora o kupovini nekretnina u svrhu rekonstrukcije lokalne ceste Kondžilo-Brezovik
- 31. Odluka o davanju ovlašćenja Općinskoj načelnici za zaključenje ugovora o ustanovljavanju prava služnosti kolskog puta u korist privrednog subjekta “Interact” d.o.o. Visoko

II – USTAVNI SUD FEDERACIJE BIH

- 32. Presuda Ustavnog suda FBiH